

全上古三代秦汉
三国六朝文

上古三代
秦汉

第一
至十册

全上古三代文卷十二

烏程嚴可均校輯

闕名一

離別相去詞

躑躅摧長而兮擢鞞馭爰所離不降兮以泄我王氣蘇三軍一飛
降兮所向皆殂一士判死兮而當百夫道祐有德兮吳卒自屠雪
我王宿恥兮威振八都軍伍難更兮勢如貔貙行行各努力兮於
乎於乎吳越春秋句踐伐吳外傳十軍士各與父兄昆弟取談國
人悲哀皆作離別相去之詞案是篇起上古三代迄隋
各家為集各集分類先賦次騷次詔冊今此
離別相去之詞是騷賦體故編于闕名之首

召將詔

社稷安危一在將軍今某國不臣願將軍率師應之

六韜龍韜立
將凡國有難

君避正殿召
將而詔之

社稷之命在將軍即今國有難願請子將而應之

淮南子兵略訓
本六韜而小異

見其虛則進見其實則避勿以三軍爲眾而輕敵勿以授命爲重而苟進勿以貴而賤人勿以獨見而違眾勿以辯士爲必然勿以謀簡於人勿以謀後於人土未坐勿坐土未食勿食寒暑必同敵可勝也

羣書治要引六韜大韜國有難君召將而詔今本無

大始天文冊文

大虛廖廓肇基化元萬物資始五運終天布氣眞靈總統坤元九

星懸朗七曜周旋曰陰曰陽曰柔曰剛幽顯既會寒暑弛張生生

化化品物咸章

素問天元紀大論鬼區史引

丹天之氣經于牛女戊分齡天之氣經于心尾已分蒼天之氣經

于危室柳鬼素天之氣經于亢氏昂畢玄天之氣經于張翼婁會

素問五運行大論鬼區史引

昭命

大命世罰小命罰身

大戴禮本命篇注引無兩罰字

福莫大於行義禍莫大於淫

太三百六十四
小一百六十五

祭醜莫大於傷人賞莫大於信義讓莫大於案信義讓莫大於賈

上罰莫大於貪詐周書命訓解明王是故昭命以命之

投壺命弟子辭

無荒無傲無倨立無踰言若是者有常爵大戴禮投壺

命射辭

弓既平張四侯且良決拾有常既順乃讓乃降其堂乃節其行既志乃張射夫命射射者之聲御車之旌既獲弃莫下闕大戴禮案困學

紀聞云此命射之辭也

夏令

九月除道十月成梁周語中單襄公引夏令韋昭曰夏令夏后氏之命周所因也

明堂月朔令

孟春之月朔令曰挺羣禁開閉闔通窮室達障塞待優口其禁毋

伐林木

仲春之月朔令曰弃怒惡解役臯免憂患休罰刑閉關梁其禁田獵不宿飲食不享出入不節奪民農時及有姦謀

季春之月朔令曰宣庫財和外怨撫四方行柔惠止剛強九門磔攘出疫于郊以禳春氣

孟夏之月朔令曰爵有德賞有功惠賢良舉力農其禁毋隳隄防仲夏之月朔令曰振貧窮惠孤寡慮囚疾出大祿行大賞其禁弃法律逐功臣殺太子以妾爲妻

季夏之月朔令曰起毀宗立無後封廢國立賢輔卹喪疾

中央之極令民闕下其禁治宮室飾臺榭犯親戚侮父兄

孟秋之月朔令曰審用法備盜賊禁姦哀飭羣牧謹貯聚其禁毋弛戎備

仲秋之月朔令曰謹功築邊溝瀆脩困倉決刑獄趣收斂其禁好攻戰輕百姓飾城郭侵邊竟乃令民改醵庶眊畢入于室日時殺

將至母穰其菑

季秋之月朔令曰除道路守門閤陳兵甲戒百官誅不法除道成梁以利農夫

孟冬之月朔令曰申羣禁脩障塞畢積聚繫牛馬收澤賦其禁母作淫巧

仲冬之月朔令曰搜外徒止夜禁誅詐譌省醞釀謹閉關其禁簡宗廟不禱祠廢祭祀逆天時

季冬之月朔令曰省牲牲脩農器收秸薪築囹圄謹蓋藏尙書大傳

春令
生而勿殺賞而勿罰罪獄勿斷以待期年

夏令

母聚大眾母行大火母斷大木誅大臣母斬大山母戮大衍滅三大而國有害也

秋令

罰而勿賞奪而勿子罪獄誅而勿生終歲之罪毋有所赦作衍牛馬之實在野者王

冬令

毋行大火毋斬大山毋塞大水毋犯天之隆

並管子
輕重已

五位令

五位東方之極太皞句芒之所司其令曰挺羣禁開閉闔通窮窒達障塞行優游棄怨惡解役罪免憂患休罰刑開關梁宣出財和外怨撫四方行柔惠止剛強

南方之極赤帝祝融之所司其令曰爵有德賞有功惠賢良救飢渴舉力農賑貧窮惠孤寡憂罷疾出大祿行大賞起毀宗立無後封建侯立賢輔

中央之極黃帝后土之所司其令曰平而不阿明而不苟包裹覆

露無不囊懷溥汎無私正靜以和行稔鬻養老衰弔死問疾以送萬物之歸

西方之極少皞葦收之所司其令曰審用法誅必辜備盜賊禁姦
邪飾羣物謹著聚脩城郭補決竇塞蹊徑遏溝瀆止流水離谿谷
守門閭陳兵甲選百官誅不法

北方之極顓頊立冥之所司其令曰申羣禁固閉藏脩障塞繕關
梁禁外徒斷罰刑殺當罪閉關閭大搜客止交游禁夜樂蚤閉晏
開以塞姦人已得執之必固天節已幾刑殺無赦雖有盛尊之親
斷以法度毋行水毋發藏毋釋罪

淮南子
時則訓

軍令

某日出某門吏士不得刈稼穡伐樹木殺六畜掠取財物姦犯人

婦女違令者斬

通典一百四十九引覆軍誡
法諸軍出行將令百官士卒

无伐樹木无掘墳墓无敗五穀无焚積聚无捕民虜無聚六畜

文子

上義兵至其
郊令軍帥

義兵號令

其國之君逆天地侮鬼神決獄不平殺戮无罪天之所誅民之所
讎也兵之來也以廢不義而授有德也有敢逆天道亂民之賊者
身死族滅以家聽者祿以家以里聽者賞以里以鄉聽者封以鄉
以縣聽者侯其縣

文子上義乃
發號施令

兵之來也以救民之死子之在上無道倨傲荒怠貪戾虐眾恣睢
自用也辟遠聖制警醜先王排警舊典上不順天下不惠民徵斂
無期求索無厭罪殺不辜慶賞不當若此者天之所誅也人之所
讎也不當為君今兵之來也將以誅不當為君者也以除民之讎
而順天之道也民有逆天之道衛人之讎者身死家戮不救有能
以家聽者祿之以家以里聽者祿之以里以鄉聽者祿之以鄉以
邑聽者祿之以邑以國聽者祿之以國

呂氏春秋懷寵先發
聲出號高誘注號令

大四百九十七
小六十四

直幣令

貨家假幣皆以穀準幣

管子山國軌

秦攻齊令

有敢去桺下季壟五十步而樵采者死不赦

有能得齊王頭者封萬戶侯賜金千鎰

竝戰國策十一

先王之令

天道賞善而罰淫

周語中

先王之教

雨畢而除道水涸而成梁草木節解而備藏隕霜而冬裘具清風

至而脩城郭宮室

同上

先王之法

為善者賞為不善罰

呂氏春秋禁塞

納書諧晏子

廢置不周於君前謂之專出言不諱於君前謂之易專易之行存則君臣之道廢矣吾不知晏子之爲忠臣也

晏子春秋

爲齊獻書趙王

臣一見而能令王坐而天下致名寶而臣竊怪王之不試見臣而窮臣也羣臣必多以臣爲不能者故王重見臣也以臣爲不能者非他欲用王之兵成其私者也非然則交有所偏者也非然則知不足者也非然則欲以天下之重恐王而取行於王者也臣以齊循事王王能亡燕能亡韓魏能攻秦能孤秦臣以爲齊致尊名於王天下孰敢不致尊名於王臣以齊致地於王天下孰敢不致地於王臣以齊爲王求名於燕及韓魏孰敢辭之臣之能也其前可見已齊先重王故天下盡重王無齊天下必盡輕王也秦之彊以無齊之故重王燕魏自以無齊故重王今王無齊獨安得無重天下故勸王無齊者非知不足也則不忠者也非然則欲用王之兵

成其私者也非然則欲輕王以天下之重取行於王者也非然則位尊而能卑者也願王之熟慮無齊之利害也

戰國策二十一

獻書秦王

昔竊聞大王之謀出事於梁謀恐不出於計矣願大王之熟計之也梁者山東之要也有地于此擊其尾其首救擊其首其尾救擊其中身首尾皆救今梁王天下之中身也秦攻梁者是示天下要斷山東之脊也是山東首尾皆救中身之時也山東見亡必恐恐必大合山東尚強臣見秦之必大憂可立而待也臣竊爲大王計不如南出事於南方其兵弱天下必能救地可廣大國可富兵可強主可尊王不聞湯之伐桀乎試之弱密須氏以爲武敎得密須氏而湯之服桀矣今秦國與山東爲讎不先以弱爲武敎兵必大

挫國必大憂

戰國策二十五

獻書燕王

王而不能自恃不惡卑名以事強事強可以令國安長久萬世之善計以事強而不可以爲萬世則不如合弱將柰何合弱而不能如一此臣之所爲山東苦也比目之魚不相得則不能行故古之人稱之以其合兩而如一也今山東合弱而不能如一山東之知不如魚也又譬如車士之引車也三人不能行索二人五人而車因行矣今山東三國弱而不能敵秦索二國因能勝秦矣然而山東不知相索智固不如車士矣胡與越人言語不相知志意不相通同舟而淩波至其相救助如一也今山東之相與也如同舟而濟秦之兵至不能相救助如一智又不如胡越之人矣三物者人之所能爲也山東之主遂不悟此臣之所爲山東苦也願大王之熟慮之也山東相合之主者不卑名之國者可長存之卒者出士以戍韓梁之西邊此燕之上計也不急爲此國必危矣王必大憂今韓梁趙三國以合矣秦見三晉之堅也必南伐楚趙見秦之

依兮鎮撫國家為王妃兮晉語三惠公即位出共世子而改葬之臭達于外國人誦之

城濮誦

原田每每舍其舊而新是謀左傳僖二十八年楚師背鄆而舍晉侯患之聽輿人之誦

臧紇誦

臧之狐裘敗我於狐駘我君小子朱儒是使朱儒朱儒使我敗於

邾左傳襄四年臧紇救鄆侵邾敗于狐駘國人誦之

子產誦

取我衣冠而褚之取我田疇而伍之孰殺子產吾其與之左傳襄三十年

鄭子皮授子產政從政一年輿人誦之

我有子弟子產誨之我有田疇子產殖之子產而死誰其嗣之同上

及三年又誦之

孔子誦

麇裘而鞞投之無戾鞞而麇裘投之無郵呂氏春秋樂成孔子始用於魯魯人驚誦之

大三百三十三
小一百四十七

衮衣章甫實獲我所章甫衮衣惠我無私同上及三月政成化既行又作誦亦見家語孔

子叢

商箴

天降災布祥並有其職呂氏春秋有始覽名類引商箴

周箴

夫自念斯學德未暮呂氏春秋謹聽引周箴

大正箴

欽之哉諸正敬功爾頌審三節無思民因疑當作憇民困憇即閔轉寫誤耳順爾

臨獄無頗正刑有擬夫疑作矢循乃德式監不遠以有此人保寧爾

國克戒爾服世世是其不殆維公咸若周書嘗麥解

商銘

嗛嗛之德不足就也不可以矜而祇取憂也嗛嗛之食不足狃也

不能為膏而祇離咎也晉語一郭偃曰商之衰也其銘有之

嘉量銘

時文思索允臻其極嘉量既成以觀四國永啟厥後茲器維則考工記

崑崙柱銘

崑崙銅柱其高入天員周如削膚體美焉水經河水注一引張華敘東方朔神異經曰故

其柱銘曰云云今本神異經無

希有鳥銘

有鳥希有緣赤煌煌不鳴不食東覆東王公西覆西王母王母欲

東登之自通陰陽相須惟會益工水經河水注一引張華敘東方朔神異經曰其鳥銘曰云云今

本神異經無希有鳥名

許子將鐘銘

佳正月初吉丁亥齟子盪呂弄其吉金自作鈴鐘中縣獻揚元鳴

孔煌蘇和鐘用圍呂喜用樂嘉賓大夫及我朋友敦二越二萬季

大二百六十七
小一百五十